

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

§. 1. Adulationes periculosa esse.

urn:nbn:de:hbz:466:1-45699

C A P V T X X X V .

*Mirabiliter DEI iudicio plus prodeesse reprehensiones; quam
laudes adulatio[n]es g[loria] humanas.*

Si ad libellam veritatis rem examines, prestat s^epe car-
pi, quām laudari. Qui carpit, corrigit. Qui laudat,
superbum facit. Hinc dictum est à sapiente: *Meliora Prou. 27.6.*
sunt vulnera diligentis, quam fraudulenta oscula odientis. Eò tendit
Æsopica fabula famelicæ vulpis ad arborem, cui gallus sublimis *Fab. 386.*
& diem cantu salutans insederat, accedentis. Ibi enim exquisitis
laudibus gallum extulit. Non cristas tacuit verticis; non præ-
terinit radios caudæ, in falcis modum reflexæ; non omisit pen-
narum irides & splendorem; sed & sonoram in eo vocem magni-
ficè prædicauit. Ante omnia autem in illo commendauit artem
diuinandi, lucisque prædicendæ vaticinia. Quibus encomijs, cùm
iam tumere cerneret gallum, atque cristas quām altissimè erigere,
hunc deum fraudis epilogum adiecit: *Vinam ea felicitas sit mea,*
tam eximij vatis caput, ut ex osculari mibi concedatur! Gallus, qui
laudis titillatione inflatus ipse quoque iam se osculo dignum
arbitrabatur; & hanc insuper laudatrici suæ gratiam referendam
censebat, vt caput suum illi ad satietatem basandum præberet,
imprudè ab arbore ad vulpem deuolans captus, in siluam de-
portatus, s^erò sensit, qualia oscula vulpes destinasset, & affatim
derisus est; quod astuta bestia vate isto diuinoque nihil insipi-
tius neq; recordius vñquam se vidisse diceret. Fabulæ huius epi-
mythium est, assentatores insidiosos esse & noxios. Qua de caus-
fa etiam Regius ille vates ait: *Corripet me iustus in misericordia, Psal. 140. 54.*
& increpabit me: oculum autem peccatoris non impinguet caput meum. Correptio iusti misericordia est; adulatio peccatoris crudelitas.
Vtiliter Davidi adulterium Propheta, ciuibus suis dissidentiam
Iudith, maliciā Pharisæis Christus, & Ioan. Baptista, duram cer-
uicem Iudæis, Stephanus; Elymæ mago Paulus dolum & fallaciā
obiecerunt. Seduxissent eos, qui laudibus, velut oleo, ynxissent.

Quod etiam Ethnici senserunt, adulatio- nibus à se procul re- II.
pulsis. Tarracenisbus, pro lato ostento, nuntiantibus Augu- Roterot. II. 43.
bo, quod in eius ara palma esset enata: Apparet, inquit, quam Apophy-

Eee frequent